

Ճանապարհային ոստիկանության վարչական իրավախախտման վերաբերյալ գործով
19.11.2019թ. կայացված ԱՖ138367 որոշումն անփոփոխ, իսկ վարչական բողոքն առանց
բավարարման թողնելու մասին

<<20>> 12 2019թ. 17-13- 10702

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս,
վերանայելով Դավիթ Սաֆարյանի ՄԴ/6499-19 դիմումի քննարկման արդյունքում ստեղծված
նյութերը՝

Պ Ա Ր Զ Ե Ց Ի

Երևան քաղաքի Շինարարների փողոցի 10 շենքի 41 բնակարանի բնակիչ Դավիթ
Սաֆարյանը դիմումով իր անհամաձայնությունն է հայտնել Ճանապարհային ոստիկանության
վարչական իրավախախտման վերաբերյալ գործով 19.11.2019թ. կայացված ԱՖ138367
որոշմանը՝ նշելով, որ ավտոմոբիլի ետևի հաշվառման համարանիշը կորել է վարելու ընթացքում,
որի մասին ինքը տեղյակ չի եղել: Դիմումին կից ներկայացրել է ավտոմոբիլի հաշվառման
համարանիշը կորցնելու և այլ անձի կողմից այն գտնելու մասին ինտերնետային կայքում
ստեղծված լուսանկարներ:

Դիմումի քննարկման արդյունքում պարզվել է, որ վարչական իրավախախտման վերաբերյալ
գործով 19.11.2019թ. կայացված ԱՖ138367 որոշումը ենթակա է կատարման հետևյալ
պատճառաբանությամբ.

<<Ճանապարհային երթևեկության անվտանգության ապահովման մասին>> օրենքի 18-րդ
հոդվածի 1-րդ մասի <<ը>> կետի համաձայն՝ **վարորդին արգելվում է վարել կեղծ, փոխված
կամ ստանդարտին չհամապատասխանող հաշվառման համարանիշներով (ժամանակավոր
համարանիշների դեպքում՝ նաև ժամկետանց համարանիշներով) կամ առանց հաշվառման
համարանիշների:**

Վարչական իրավախախտումների վերաբերյալ ՀՀ օրենսգրքի 123.5-րդ հոդվածի 4-րդ մասի
համաձայն՝ առանց հաշվառման համարանիշի, կեղծված կամ փոխարինված հաշվառման
համարանիշով տրանսպորտային միջոցներ վարելը առաջացնում է տուգանքի նշանակում՝
սահմանված նվազագույն աշխատավարձի երկուհարյուրապատիկի չափով:

Վարչական իրավախախտումների վերաբերյալ ՀՀ օրենսգրքի 123.5-րդ հոդվածի 13-րդ մասի
համաձայն **տրանսպորտային միջոցը համարվում է առանց համարանիշի, եթե այդ
համարանիշը (զույգ համարանիշերի դեպքում՝ թեկուզ և մեկը) ամրացված չէ դրա համար
նախատեսված տեղում և ընթեռնելի չէ ինչպես շարժման ընթացքում, այնպես էլ կանգնած
ժամանակ:**

Ուսումնասիրությամբ պարզվել է, որ 18.11.2019թ. ժամը 09:30-ին Երևան քաղաքի Արգիշտի
փողոցում քաղաքացի Դավիթ Սաֆարյանի վարած <<BMW>> մակնիշի 50ZA150 հաշվառման
համարանիշի ավտոմոբիլը կանգնեցվել է Ճանապարհային ոստիկանության ՃՊԾ 1-ին
սպայական գումարտակի 3-րդ սպայական դասակի տեսուչ, ոստիկանության ավագ լեյտենանտ
Ա.Ռտոյանի և նույն դասակի ավագ տեսուչ, ոստիկանության մայոր Ա.Հարոյանի կողմից՝
ավտոմոբիլն առանց ետևի համարանիշի վարելու համար, որի արդյունքում Վարչական
իրավախախտումների վերաբերյալ ՀՀ օրենսգրքի 123.5-րդ հոդվածի 4-րդ մասի համաձայն
կայացվել է վարչական իրավախախտման վերաբերյալ գործով ԱՖ138367 որոշումը:

Դիմումում նշված հանգամանքների շուրջ պարզաբանումներ տալու նպատակով
18.12.2019թ. քաղաքացի Դավիթ Սաֆարյանը հրավիրվել է Ճանապարհային ոստիկանություն,

11. 02. 20

որտեղ գրավոր բացատրությամբ պնդել է դիմումում նշված հանգամանքները, խնդրել է քննարկել և իրեն տալ գրավոր պատասխան:

Դիմումատուն ըստ էության ընդունում է Ճանապարհային ոստիկանության վարչական իրավախախտման վերաբերյալ գործով 19.11.2019թ. կայացված ԱՖ138367 որոշման իրավաչափությունը և այն վիճարկում է միայն տեղյակ չլինելու հանգամանքով:

Դիմումին կից ներկայացված ավտոմոբիլի հաշվառման համարանիշը կորցնելու և այլ անձի կողմից այն գտնելու մասին ինտերնետային կայքում տեղադրված լուսանկարները հաշվառման համարանիշերն առանց վարորդի գիտության կորելու համգամանքը փաստելու համար բավարար ապացույց համարել հնարավոր չէ, ուստի տվյալ պարագայում վարորդի մեղքի բացակայությունը չի հիմնավորվում:

<<Ճանապարհային երթևեկության անվտանգության ապահովման մասին>> օրենքի 17-րդ հոդվածի 1-ին մասի <<ա>> կետի համաձայն՝ Ճանապարհային ոստիկանության ծառայողը պարտավոր է տրանսպորտային միջոցը կանգնեցնել, եթե **ակնհայտ** կամ տեխնիկական միջոցների օգտագործմամբ **երևում է, որ վարորդը խախտել է ճանապարհային երթևեկության կանոնների պահանջները:**

Այսպիսով, դիմումատուի պնդումներն արժանահավատ համարել հնարավոր չէ, իսկ դիմումատուի արարքում առկա են Վարչական իրավախախտումների վերաբերյալ << օրենսգրքի 123.5-րդ հոդվածի 4-րդ մասի հատկանիշները, ուստի ելնելով վերոգրյալից և ղեկավարվելով Վարչական իրավախախտումների վերաբերյալ << օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական իրավախախտման վերաբերյալ գործով 19.11.2019թ. կայացված ԱՖ138367 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել << վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Դավիթ Սաֆարյանին և Ճանապարհային ոստիկանության ՃՊԾ 1-ին սպայական գումարտակ:

